

Ki veut dire nafsaniyyat ?

Pou être pli simple, nou capave appelle li l'intérêt personnel, desir ou passion. Ou bien ene l'état ou ene mentalité ki faire dimoune considère ene lot facteur au lieu de Shariah pou prend ene décision.

Ça mentalité-là li pli faille ki jahaalat parceki ene dimoune so connaissance pas servi li narien quand li ena li. Li faire li coupé tranché pou justifié l'injustifiable. Li capave faire la boisson vine halal. Li prouve so droit cote li pena droit. Li donne so madame talaaq et après ça li vine prouvé ki talaaq pas fine compté. Toute ene séries de mensonge, faussetés et l'égarement capave être masqué et maquillé pou donne coup d'œil de Deen. Li faire ene dimoune vive pou so l'intérêt personnel et pou so désir et plaisir.

Dans ça sens-là, nafsaniyyat li vine en opposition de Ikhlas et la sincérité ki faire ene dimoune vive zisse pou le plaisir Allah Ta'ala.

La quantité la joie la sincérité li amène dans la vie ene dimoune, ça quantité-là même désagréable li ranne la vie ene dimoune ki ena nafsaniyyat. Li dénigré li à tel point ki li vine esclave de so passion et de so désir.

La société pou capave débarrassé de tous banne problèmes ki ena à n'importe ki niveau necque à travers Ilm-e-Deen et Ikhlaas. Ilm-e-Deen li indique la vrai direction et Ikhlaas li aide pou implémente correctement et convenablement la connaissance ki ene dimoune ena.

[Extrait de Al Jamiat Vol.7 No.15]



JAMIAT-UL-ULAMA DE MAURICE

Cnr. Penang & Sumatra Street, Port Louis, Mauritius,
Tel: 240-0439 / Mob: 58622015

<http://www.jamiat-ul-ulama.org> / Emails: jamiat@intnet.mu / jamiathalal@intnet.mu

